

سەلکی در سعادۃ ایچون مجیدیه
یکرمی غروش حسابیلە التمش
غروشدر

طشمره ایچون پوسته اجرقت اوله رق
اون بش غروش ضم اولنور

نسخه سی ۴۰ پاره در

فکرانکە محاکمە

آبونه اولمق ایستینلر دائرە عدلیه دره
اداره مخصوصه سنه مراجعت
ایتملیدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ايرتسي و چهارشنبه کونلری نشر اولنور. محتویاتی امور عدلیه به متعلقدر

توجیهات

سلانیک ولایتی عدلیه مفتشکنه آیدین و جزائر بحر سفید ولایتلری عدلیه مفتشی سعادتلو غالب بک افندی حضرتلری، مفتش معاونلکنه قواله تجارت محکمه سی رئیس سابق مکتب حقوق شاهانه مأذونلرندن خراجیا افندی

قوصوه ولایتی عدلیه مفتشکنه مناسرتو قوصوه ولایتلری عدلیه مفتشلرندن عزتو صالح افندی، مفتش معاونلکنه سیواس و ارضروم ولایتلری عدلیه مفتش معاونی مکتب مزبور مأذونلرندن رفعتو انانیاس افندی مناسرتو ولایتی عدلیه مفتشکنه ادرنه و سلانیک ولایتلری عدلیه مفتشلرندن رفعتو آرتین افندی، مفتش معاونلکنه سلانیک ولایتی محکمه فوق العاده سی اعضاء سابقه سندن و مکتب مزبور مأذونلرندن رفعتو مظهر افندی

ادرنه ولایتی عدلیه مفتشکنه مناسرتو قوصوه ولایتلری عدلیه مفتشلرندن عزتو یاسقال افندی آیدین و جزائر بحر سفید ولایتلری عدلیه مفتشکنه سلانیک و ادرنه ولایتلری عدلیه مفتشلرندن عزتو عبداللطیف افندی تعیین بیورلمش و مشار و مومی الیهم ذاتاً محلف بولمشدر.

انقره ولایتی مرکز بدایت محکمه سی جزا دائره سی رئیس رفعتو ابراهیم ادهم بکه رتبه ثالثه توجیه بیورلمشدر.

تبدیلیات

«برقاچ قرنداشه مشاعاً انتقال ایدن اراضینک یالکز بریسی طرفندن زراعت اولنسیله آنک اوزرنده حق قرار ثابت اولیوب صورت تقسیمده اختلاف حاصل اولورسه بوجهت ایچون محکمه به مراجعت ایدلسی حقنده شورای دولت تنظیمات دائره سنک قرارینی مبلغ تسطیر بیوریلان تذکره سامیه به جواباً عدلیه نظارت جلیله سنک شورای دولته حواله بیوریلان ۱۴ شعبان سنه ۳۲۴ تاریخلی ویشیوزیدی نومرولی تذکره سنده اراضی قانوننامه هایوننک بوخسو-

صه تفرع ایدن احکامنک نه دن طولانی بر قید استثنائی ایله تغییرینه محل کوریه مدیکی تفصیلاتی و بویولده برقاعده اتخاذینک قبولی جهته کیدلدیکی تقدیرده قانون مزبورک احکام عمومیه سی اعتباریله کیفیتک بالتدقیق محاکمه مدار حکم اتخاذ ایدلک اوزره بر ماده مدلیه شکلنه افرایله مرعیت احکامی خصوصه اراده سنیه جناب پادشاهی استحصالی مقتضی بولندیغی متضمن انجمن عدلیه دن اعطا قلنان مذکره نک تقدیم قلندیغندن بحتله اقتضاسنک تعیینی لزومی در میان اولمشدر.

ذکر اولنان مذکرده سعرد اهالیسندن متوفی مولود افندیکنک اوچ نفر مخدومیله ایکی نفر کریمه سنه علی وجه الاشتراك معامله انتقالیه سی اجرا وسنداتی اعطا قلمش اولان اراضی یی یکرمی سنه دنبرو زراعت و حراست ایدن اکبر اولادینک بوکره حق قرار ادعاسیله ضبطه قیام ایتمسندن و بین العائله مشترک اولان بوقیل اراضی یی مستاجر و یامستعیر صفتلرندن بریسنه استناداً وضع ید ایتیمی طبیعی بولنان احد شرکانک بالاخره در میان ایده جکی حق قراردن طولانی اتخاذی لازم کلان معامله به دائر اراضی قانوننامه هایوننده صراحت کافیه بولنماسندن ناشی مأمورین عائده سنجه حاصل اولان تردد اوزرینه برقاچ قرنداشه مشاعاً انتقال ایدن اراضینک یالکز بریسی طرفندن زراعت اولنسیله آنک اوزرنده حق قرار ثابت اولیوب صورت تقسیمده اختلاف حاصل اولور ایسه بوجهت ایچون محکمه به مراجعت ایدلسی تنظیمات دائره سندن بامضبطه افاده قلمش و مضبطه مذکوره مندرجاتی سالف البیان اراضی قانوننامه هایوننک حق قراره متدائر اولان یتیم سکزنجی ماده سی احکامنک احوال مماثلده عدم جریانی لزومندن باحث اولسنه وذات مسئله نک طولانیسیله مرور زمانه تعلقی بولنسنه بناءً بوبابده ایضاحاته لزوم کورنمش اولوب شویله که قانون مزبورک یکرمنجی و یتیم سکزنجی ماده لرنده کوسرتلیدی اوزره اون سنه مدت بلا نزاع تصرف اولنان طاپولی اراضی به متعلق

دعاوینک عدم استماعی و کذلک اراضی امیریله و موقوفه یی اون سنه مدت بلا نزاع زراعت و حراست ایدن کیمسه نک اول اراضیده حق قرارینک ثبوتی کیفیاتی مدعی طرفنک مدت سفر بعید و صغیر کبی اعدار شرعیه دن برینه مستند اولمق سزین دعواسنی ترک ایش و حق قرار و مرور زمان جهتلرندن ادعای تصرف ایدن ذی الیدک دخی موضوع بحث اولان اراضی یی فضولاً و بغير حق ضبط وزارت ایدلیکی یولنده و یا مستاجر و مستعیر صفتلرندن برینه استناداً استعمال ایتدیکنی تضمن ایدر صورتده برقرار و اعترافی سبق ایتامش و علی الخصوص حقه قاره متعلق دعاویده سالف الذکر یتیم سکزنجی ماده یی تعدیلاً ۷ شعبان سنه ۱۲۷۶ تاریخنده قلمه آلتوب با اراده سنیه جناب پادشاهی موقع اجرایه قونیلان طاپو تعلیماتنک سکزنجی ماده سی منطوقیجه تصرف جهتنک انتقال و یا آخردن تفرغ و یا خود مأمورندن تفوض صورتلرندن برینه استناد ایدلمش اولسیله مشروط و مقید اولسندن ناشی ذی الید اولان شخصک دعوی مذکورده سنه مناقض و مباین اوله رق بوجه مشروح اعترافانده بولندیغی و یا خود خصمی جانبندن اعدار مشروعه در میان اولنمغه برابر شومدافعه سی علی الاصول موقع ثبوته ایصال ایدلیکی صورتده مرور زمانک مرتفع اوله جکی و حق قرارک دخی تحقق ایدمه جکی طبیعی و بالاجارتین تصرف اولنان مسقطات وقفیه ایله املاک صرفه ده اسباب تصرفدن معدود اولیان حق قرار مسئله سنک اراضی امیریله ایله تخصیصات قیلندن اولان اراضی موقوفه ده جمله اسباب تصرفدن عد و اعتبار ایدلسی و بونلر حقنده کی مرور زمان مدتک دخی اون سنه به تنزیل قلمسی بوقیل اراضی امیریله و موقوفه نک زراعتدن معطل قلماسی مقصد اصلیسنه مبتنی اولسنه نظراً عهد سنده بولنان اراضی یی اعدار شرعیه دن بری موجود اولمدینی حالده اون سنه مدت استعمال ایتامش و ایجار و اعاره صورتیله دیکرینه ده زراعت ایتدیر مامش اولان و فی الاصل صاحب ارض جانبندن تعطیل زراعت ایتامک شرطیله تفوضنه

مأذونیت ویریلان برکیمسه‌نک اراضی کرک حق قرارک ثبوتندن وکرک مرورزمان وقوعندن طولانی بومدت ظرفنده زراعت وحرانته اعشار شرعیسه‌نی جانب میریه ایفا ایدن شخصه تقویض دخی اساس مقصدی تأمینه کافی تدایر قانونیه‌دن اولمسیله شو احکام عمومیه‌نک محافظه‌سی لزومی بدیهی بولنش لومتن مضبوطه‌ده بیان اوتان خصوصه کلنجه مورثلرندن ورته عدیده انتقال ایدن اراضیده تعلیمات مذکوره احکامنه توفیقاً جهت تصرفدن برینه‌استاد ایدلمکسزین مجرد بکرمی سنه‌نی متجاوز مدت بولندن برینک اول اراضی‌نی زراعت ایلدیکنی بالیسان حق قرار مسئله‌سه تمسک و استناد ایتیمی شایان قبول والتفات اولهمیه‌جفی مثللو بوکی مدعیاتک محاکمه مراجعتله حکم وقراره ربط ایتدیرلمسی امور لازمهدن اوله‌رق دفتر خاقانی مأمورلرینک بویاده‌کی وظیفه‌لری ایسه ورته‌یه مورثلرندن مشترکاً انتقال ایتیش وایوبوله مقدما سنداتی تنظیم واعطا قلمنش اولان اراضینک تفویضنه دأثر وقوعبولان قیود رسمییه موافق بولنان طلب دأثره‌سندده معامله لازمه‌سنی ایضایه منحصر اولمسیندن ناشی محلی دفتر خاقانی مأمورینک احکام قانونیه وایجابات وظیفه‌یه توفیق حرکت ایتیمی مقتضی کورنش اولوب بناء علی ذلک مورثلرندن مشاعاً انتقال ایدن اراضی‌نی ورته‌دن برینک یالکتر اون‌سنه مدت زراعت ایتیش اولمسی سرشته‌سیله درمیان ایلدیکنی حق قرار ادعاسنک احتیاجیه برابر اسباب مشروحه‌دن ناشی مسموع وملتف اولهمیه‌جفی واعذار شرعییه مبتنی اولان مرورزمانک دخی حائر تأثیر اولمسی مطاعانه‌نظراً اراضی قانونامه‌سندده بومسانه تفرع ایدن احکامک برقد استثنائی ایله تقیدینه محل کوریه‌مامش ومع‌ه‌ذا شورای دولته بویولده‌برقاعده اتحادینک قبولی جهته کیدلرکی تقدیرده قانون مزبورک احکام عمومیه‌سه تعلق اعتباریه درکاراولان اهمیته بناء ایشک هرجهتی نظر دفته آله‌رق عندالحاکم‌مدار حکم اتحاد ایدلمک واشتراک خصوصنک یالکتر انتقاله حصر ایدلیوب تفرغ صورتیه واسباب سائره ایله اشخاص متعدده بیننده مشترک اولان اراضیده دخی‌حق قرارک ثابت وبوکا قیاساً مرورزمان ادعاسنک مسموع اولهمیه‌جفی فخرانی جامع اولمق اوزره بویاده‌کی قرارک برماده مذبله شکله افرایله مرعیت احکامی خصوصه‌اراده‌سنیه جناب خلافتداهی استحصالی مقتضی اولدینی بیان قلمشدر .

واقعا اراضی امیریه وموقوفه‌ده‌حق قرارک ثبوتی کیفیاتی مدعی طرفک مدت سفر بعید وصغیر کی اعذار شرعیهدن برینه مستند اولمقسزین دعواسی ترک ایتیش وحق قرار مرورزمان جهتلرنده ادعی

تصرف ایدن ذی‌الیدک اراضی مذکوره‌نی فضولاً ضبط وزراعت ایلدیکنی بولنده مستأجر ومستعیر صفتلرندن برینه استناداً استعمال ایتدیکنی تضمن ایدر برقرار واعترافی سبق ایتامش اولسته وتصرف ادعاسنک طایو تعلیماتی منطوقجه انتقال ویا آخردن تفرغ ویاخود تفوض صورتلرندن برینه استناد ایلدیش بولمسه متوقف بولدینی حالده اسباب مذکوره‌دن برینه استناد ایدلمکسزین ورته‌دن ویا شرکادن برینک اول اراضی‌نی مدت مدیده زراعت ایلدیکنی سرشته‌سیله درمیان ایلدیکنی حق قراروتصرف ادعاسنک محکمه احتیاجی درکار اولمسیله احکام قانونیه دأثره‌سندده ایفای معامله لازمهدن بولندینک نظارت مشار الیه‌یه تبلیغی تذکر قلندی .

شورای دولت تنظیمات دأثره‌سینک صورتی بالاده محرر مضبوطه‌سی موجبنجه عدلیه نظارت جلیله‌سنجه اجرای‌ایجابی اولبایده شرفوارد اولان ۱۵ ذی‌الحجه سنه ۱۳۲۴ و ۱۶ کانون‌ثانی سنه ۱۳۲۲ تاریخی بیورلدی سامیده بیان وازبار اولمش واولوجه‌له نظارت مشار الیه‌دن مقتضای ایفا قلمشدر .

عدلیه نظامت هیلدسندده عدلیه مفتشدر محاکم استینافیه مدعی عمومیلرینه نظیر قتلانه خبرات عمومی صورتیه:

مأمورین عدلیه‌نک ترفیع وترقیلری کتدولرینک طلب واستعدارینه لزوم کورنمکسزین احوال ووقوعات مسجله‌لری قیدینه مراجعتله تین ایدن قدم وحسن حال واهلیتیرینه نظراً صریه‌سیله اجرا ایدلمکده اولدینی واسباب محیه‌دن ناشی تحویل طلبنده بولنانلرک دخی علی‌الاصول تنظیم ایده‌جکلری استدعانامه‌لری مندرجاتی مثبت طیب راپوری وزمان اداره‌سی معا ملاقی ناطق دفترايه معا نظارته قارشو واسطه مخابره اولان استیناف مدعی عمومیلکلرینه اعطا ایتلری مکرراً تبلیغ اولدینی حالده مأموریندن بعضیلرینک بومثللو خصوصات ایچون صورت خصوصیه وغیر رسمیه‌ده مراجعتدن خلی قالمادقلری وبودجه‌نک توازی ضمتنده اتخاضی قرارلشدیریلان تدایر

جهلسندن اوله‌رق محاکم نظامیه‌ده اولدینی کی دوائر ملکیه ویریلان عرفخاللردن دوائر مرکزه‌ده دردر غروش قیدیه آنسی تقرر ایتدیکنی وبوکی خصوصات ذاتیه‌یه عائد اوله‌رق نظارته کوندیرله‌جک استدعانامه لرده رسم تمعا قانونه وسالف‌الذکر تبلیغات عمومیه‌یه توفیقاً درت غروش قیدیه تابع بولندینی جهته‌بول وضع والصاق وتعرفیات قانونیه دأثره‌سندده ابطال اولنمیان ویاخود قیدیه خرجی برلکده کوندیرلیسان

استدعانامه‌لرک اصولاً نظر اعتباره آله‌میه‌جفنک واصول موضوعیه موافق اولمیان اوکی اوراق حکمسز قاله‌جفنک اقتضا ایدلره اکیداً تبلیغی ومأموریت ومأذونیت وتحویل وبجایش کی خصوصات ذاتیه ایچون ویریه‌جک استدعانامه‌لرک سالف‌الذکر اصول دأثره‌سندده بالتلظیم استیناف مدعی عمومیلکینه اعطاسی ۲۶ ایلول سنه ۳۲۱ تاریخی تحریرات عمومیه ایله تبلیغ اولندینی حالده تبلیغات واقعه خلافده وصورت خصوصیه وغیر رسمیه‌ده رجوق مراجعتار وقوع بولنده واوراق خصوصیه‌یه بولسز مستدعات اوزرینه تأسیس معامله قابل اولهمیه‌رق بوخصوص بیوده مشغولیتی انتاج ایتکده اولمسیندن ناشی تأکید وصایایه لزوم کورلمش واونه‌دنبروآله کلان خرجلر مستثا اولمق اوزره دوائر مرکزیه‌جه‌استیفایی مقدما قرارکیر اولمش اولان درت غروش قیدیه خرجنک الغای خصوصه بالاستیذان اراده سنه حضرت پادشاهی شرفتعلق بیورلدینی باندکره سامیه اشعار قلمنش اولسته منی مذکور درت غروش قیدیه‌نک بعدازین اخذوارسالنه محل یوغیسه‌ده مأمورینک اوراق خصوصیه وبولسز استدعانامه‌لر ارسالیله اصول متخذه‌یه مغایر مراجعات وحرکاتدن توقی ومجانبت وهرخصوص ایچون نظارته قارشو واسطه مخابره اولان استیناف مدعی عمومیلرینه مراجعت لزومه دقت وعرفخاللره ربطی ایجاب ایدن اوراق اوزرینه تبلیغات عمومیه وجهله «حمیده محجاز بیورله» مخصوص برر غروشلق علم وخبر الصاق خصوصه رعایت ایتلری ماده‌سی معلوم اولمق اوزره اشبو تحریراتک نسخ مطبوعه کافیه‌سی لفا تسیر قلمنش اولمغه ایجاب ایدلره تبلیغات لازمه ایفایی سیاقده شقه مخصوصه ترقیمه ابتداءر قلندی .

محاکمات قلمشدر

محکمه تمیز استدعا دأثره‌سندن تنظیم واعطا

قتلان اعلامدو:

قسطمونی ولایتی بدایت محکمه‌سی جزا دأثره‌سندن استینافاً لاحق اولوب ۲۹ تموز سنه ۳۲۰ تایخنده تفهیم ایدیلان وظیفه قرارینی حاوی اعلامک تمیزینی مستدعی محکمه مذکوره مدعی عمومی معاونلکی طرفندن ویریلان ۳۱ تموز سنه ۳۲۰ تاریخی استدعانامه واوراق متفرعه‌سی باش مدعی عمومیلک مأموریت بهیه‌سک ۱۰ تشرین اول سنه ۳۲۱ تاریخی تبلیغامه‌سیله محکمه تمیزاستدعا دأثره‌سنه تودیع اولمغه

لدی‌التدقیق مذکور استدعانامه‌نک مدت قانونیه‌یه موافق اولدینی اکلشدیغندن اوراق مرقومه دأثره‌جه قرائت ومطالعه اولندی .

اعلام مذکورک مائی یایی اوغلی محمد علینک مال صندوقه تسلیم اولمق اوزره اعطا ایلدیکنی ایچینی تسلیم صندوق ایتیه‌رک کتم وامینتی سوء استعمال ایلدیکنی ادعاسیله مظنون علیه صالح بیه اوغلی مختار مصطفی حقنده بدایه اجرا قتلان محاکمه‌ده ایکی ماه مدته حبسنه دأثر ویریلان قرارک استیناف ایدلمسی اوزرینه اولبایده جریان ایدن محاکمه استینافیه‌جه آرده متضرر اولان کیم اولدینی اکلشدیغمدینی کی شمدیلک ایشده امنیتی سوء استعمال ماده‌سی‌ده اولیوب جزایی جالب حاکم اجرا واتمام محاکمه‌سی اولامرده بویاده متضرر کیم ایدوکنک بیلمسه وابسته بولمسه وبوجهنک محاکمه‌سی ده محکمه حقوقه عائد اولوب مسئله مسائل مستأخره تشکیل ایتیش اولمسه بناء متضرر اولان طرفک عائد اولدینی محکمه‌یه‌مراجعتده مختاریته وبعدده تظاهر ایده‌جک حاله کوره مقتضیات قانونیه اجرا قلمنق اوزره اوراق دعوانک محلتده اعاده‌سنه قرار ویرلدیکندن ومذکور استدعانامه‌یه مربوط لایحه‌ده مندرج اعتراضاتک خلاصه‌سی دخی مسئله مستأخره حقوق عمومیه دعواسنک تأخیر رؤیت وحکمنی موجب وحقوق عمومیه دعواسی حقنده برقرار اعطا ایده بیللمک ایچون اول امرده مسئله‌نک تعلق ایلدیکنی دأثره ومحکمه‌دن برقرارک صدورینه تعلیق ایدیلان مقررات ومسائلدن ایکن اعلام تمیز بهده موضوع بحث اولان ماده ایچنده مسئله مستأخره‌نک اثری یوق ایکن مسئله مستأخره‌نک وجودندن بخشه وضماً نفی وظیفه طریقیه حقوق محکمه‌سنه عائدیتیه قرار ویرلمسی مخالف قانون اولدیغندن وسائرهدن بخشه مذکور اعلامک تقضی طابندن وتبلیغامه‌نک مفادی دخی دعوی مذکوره ویرکودن متولد ومختسارک وظیفه‌سنه عائد اوله‌رق تدقیق محکمه مذکوره‌نک وظیفه‌سندن خارج کورلمش اولدیغندن ذکر اولنان اعلامک تقضی لازم‌کله‌جکی بیانندن عبارتدر .

ایجابی لدی‌المذاکره محکمه استینافیه‌جه آرده متضرر اولان طرفک کیم اولدینی حقنده تحقیقات وتدقیقات اجرا اولنه‌رق حقیقت اکلشدیغندن صکره ایشده امنیتی سوء استعمال وار ایسه حکم ایتک، یوق ایسه اکا کوره برقرار ویرلمک لازم کلور ایکن بروجه مشروح قرار اعطاسی بولسز ومغایر قانون اولدیغندن اصول محاکمات جزاییه قانونک اوچیز اون دردنجی و اوچیزون اون طبقوزنجی ماده‌لری احکامنه توفیقاً اعلام استیناف مذکورک قضیه وبروجه

محرر ایفای معامله اولمق اوزره اوراق مرقومه‌نک محلتده اعاده‌سنه ۸ تشرین ثانی سنه ۳۲۱ تاریخنده متفقاً قرار ویرلدی .

جبل لبنان اهالیسندن عبد للاحد بن یوسفک قاتلی جرجیس ایله رفیقی نخبیه معاونت ایلدیکنی ادعا اولمسیندن دولانی جنایتله اتهام اولنان مرشید بن روحانوسک اوچ سنه مدته کورکده قولنسته دأثر طرابلس شام سنجائی بدایت محکمه‌سی جزا دأثره‌سندن اعطا قتلان ۱۲۸ نومرولی اعلام

محمود بن سروحانی قتل ایلدیکنی ادعا اولمسیندن دولانی جنایتله اتهام اولنان حامو بن ابراهیمک اون بش سنه مدته کورکده قولنسته دأثر دیاربکر ولایتی استیناف محکمه‌سی جزا دأثره‌سندن اعطا قتلان ۲۳ نومرولی اعلام

اسماعیلی جرح وقتل ایلدیکنی ادعا اولمسیندن دولانی جنایتله اتهام اولنان عثمان بن اسماعیلک اون بش سنه مدته کورکده قولنسته دأثر ارطغرل سنجائی بدایت محکمه‌سی جزا دأثره‌سندن اعطا قتلان ۴۰۹ نومرولی اعلام

کوسه‌اوغلی محمدک کیفیت قتلندن دولانی جنایتله اتهام اولنان قزل کوز اوغلی علینک اون بش سنه مدته کورکده قولنسته دأثر لازستان سنجائی بدایت محکمه‌سی جزا دأثره‌سندن اعطا قتلان ۶۹ نومرولی اعلام

بکری جرح وقتل ایلدیکنی ادعا اولمسیندن دولانی جنایتله اتهام اولنان مقتول مرقومک برادری طورمشک اون بش سنه مدته کورکده قولنسته دأثر توفد سنجائی بدایت محکمه‌سی جزا دأثره‌سندن اعطا قتلان ۵۴۱ نومرولی اعلام

طریق شقاوته سلوک ایلدیکنی ادعا اولمسیندن دولانی جنایتله اتهام اولنان حسین بن محمدک درت سنه مدته کورکده قولنسته دأثر جابک سنجائی بدایت محکمه‌سی جزا دأثره‌سندن اعطا قتلان ۱۷۷ نومرولی اعلام

عزیزیه قضای حبسخانه‌سندده بولنان محکومیه آلات اعطاسیله فرارلرینه دلالت ایلدیکنی ادعا اولمسیندن دولانی جنایتله اتهام اولنان حافظ مصطفانک اوچ سنه مدته کورکده قولنسته دأثر سیواس ولایتی استیناف محکمه‌سی جزا دأثره‌سندن ویریلان ۴۱ نومرولی اعلام

شاهین اوغلی مصطفانک کیفیت قتلندن دولانی جنایتله اتهام اولنان صاری اوغلی اسماعیلک اون بش سنه مدته کورکده قولنسته دأثر طر برون ولایتی استیناف محکمه‌سی جزا دأثره‌سندن ویریلان ۲۹ اغستوس‌سنه

۳۲۰ تاریخی اعلام محکمه تمیز جزا دأثره‌سنجه تصدیق قلمشدر .

اعلانات

درسعادت جنایت محکمه‌سنه:

ابراهیم افندی‌نک کیفیت جرح وقتلندن طولانی مظنون علیه اولوب حال فرارده بولنان ادرنه قیوسی جوارنده چاقراغا محله‌سندده ساکن بقال اصنافدن وقونیه ولایتک کلوری قریه‌سی اهالیسندن اورته بویلی، الا کوزلی، طقنازجه وجودلی، ترسیاه بیق وقاشلی، قمرزی یوزلی بکرمی ایتی یاشنده لیغور ولد لازارینک اصول محاکمات جزاییه قانونک مواد مخصوصه‌سی احکامنه توفیقاً جنایت محکمه‌سندده محاکمه‌سی اجرا قلمنق اوزره قانون جزانک یوز یتش دردنجی ماده‌سینک فقره اولاسی موجبنجه جنایتله اتهامه قرار ویرلدیکندن متهم مرقومک هرزده کوربولورسه طویلوب محکمه مذکوره توقیفخانه‌سه تسلیمی لازم‌کله‌جکی بالجه ضابطه‌عدلیه مأمورلرینک معلومی اولمق اوزره اشبو اخذوکرفت مذکره‌سی درسعادت هیئت اتهامیه‌سندن بالتلظیم اعطا قلندی .

نجات میریه محکمه‌سنه:

استانبوله امین اوکنده ساکن ایکن تجارت بحریه محکمه‌سندن افلاسه حکم اولمش اولان تجارتدن خلیل عبدالرحمن افندی ذمتنده آله‌جفی اثبات ویا موقتاً قبول وقید ایتدیرمش اولان آله‌جقولرک قانونامه تجارتک ۲۱۱ نجی وائی ولی ایدن ماده‌سی موجبنجه مفلس طرفندن تکلیف اولنه‌جق قوتقورداتونک مذاکره‌سی ایچون ۳۲۳ سنه‌سی مارتک بکرمی سکرنجی چهارشنبه کونی محکمه مذکوره‌نک مصالح افلاسه رؤیتیه مخصوص اوطه‌سنه کلری اعلان اولتور .

استانبوله سرکه‌جیده کائن اقره‌خاننده ساکن ایکن تجارت بحریه محکمه‌سندن افلاسه حکم اولمش اولان قومیسونجی وین باغوبیانک ذمتنده آله‌جفی اثبات ویا موقتاً قبول وقید ایتدیرمش اولان آله‌جقولرک قانونامه تجارتک ۲۱۱ نجی وائی ولی ایدن ماده‌سی موجبنجه مفلس طرفندن تکلیف اولنه‌جق قوتقورداتونک مذاکره‌سی ایچون [۲۷ مارت سنه ۳۲۳] تاریخنه مصادف صالی کونی محکمه مذکوره‌نک مصالح افلاسه رؤیتیه مخصوص اوطه‌سنه کلری اعلان اولتور .

تجارت بحريه محكمه سنجه افلاسه قرار ويرلمش اولان حاجى اسماعيل زاده ابراهيم وعلى برادرلر شركتتكم تهمير آتته آلمش اولان صارى يارده چارشو ايچنده كائن مغازهده موجود بالق فوجى وسپاريله چواليه وخلاط وبوكا متعلق اشيانك بلمازيده فروختى مقرر اولمسيه اشتراسته طالب اولانلرك ماه حال رومينك يكرمى بشنچى بازار كوني ساعت التى راده لرنده محل مذكوره حاضر بولنلرى اعلان اولنور .

ايكنجى محكمه تجارته :

چارشوى كيرده چادر جيلرده مقيم ياغلچى احمد جودت افدينك ۱۹ مارت سنه ۳۲۳ تاريخندن اعتباراً اعلان افلاسه ومصالح افلاسيه نك رؤيت وتسويه سى ضمنده اعضاي محكمه دن عزتو صادق بكك ژوز قوميسر ودعوى وكيللرندن عثمان طلعت واوونيك ترجمانيان افنديلرك موقت سنديك تعينلرينه ومغازه سيله اموال تجاريه واشياى زائده بيتيه سنك تهميرينه واوراق ودفاترينك جلبه وكفالت مصدقه ارايه ايدمديكى تقديرده حبس وتوقيفه وبوبابده كى قرارك موقتاً اجراسنه ايكنجى تجارت محكمه سنجه قرار ويرلمش اولديغندن قانوننامه تجارتك ۱۷۰ نجى ماده سى موجبجه دائى سنديكلر انتخاب اولنق اوزره اشبو ۳۲۳ سنه سى شهر نيسانك طقوزنجى بازار ايرتسى كوني ساعت التى راده لرنده اصحاب مطلوبك محكمه مذكوره نك مصالح افلاسيه معاملاتنه مخصوص اوطه سنه كللى اعلان اولنور .

محكمه تجارت اجراء دأره سنده :

آغوب رئيسيانك ديشجى وورتك وكهربارجى مهران اتمكيجان ذملرنده ايكنجى محكمه تجارتدن ويريلوب صورت مصدقه سى ۱۴ اغستوس سنه ۳۰۹ تاريخنده تبليغ قلنان ۲۱ تموز سنه ۳۰۹ تاريخلى اعلام موجبجه محكوم به آله جنى اولان يكرمى ليراي عثمانى فائض ومصارف محاكمه سيله برابر مارت رومينك يكرمى دردنچى جمعه ايرتسى كونندن اعتباراً طقسان بر كون ظرفنده مديون مرقومان وورتك ومهرانك موقع اجرايه مراجعتله طقسان بر كون ظرفنده تسويه وايفا ايتلى وبوبابده قانوناً قبوله شايان بر ديه جكلرى اولدينى حالد بيان ايتلى وخلافى تقديرده قانوناً لازم كلان معامله اجراسنه ابتدار اولنه جنى معلوملى اولق اوزره تنظيم اولنان اشبو اخبارنامه مرقومانك اليوم اقامتگاهلرينك

مجهول اولسى ملاسه سيله اصول محاكمه حقوقيه نك يكرمى التتجى واجرا قانوننك يكرمى طقوزنجى ماده لرينه توفيقاً تبليغ اولنمش عد اولنق اوزره محكمه تجارت اجرا دائره سى ديوانخانه سنه تعليق اولنديكى كى غزنه لرله دخى اعلاننه مبادرت قلندي .

اطنه تجارت محكمه سنده :

آطنه ده ساچ بدساننده مانيفاطوره تجارتيه مشغول ايكن آطنه تجارت محكمه سندن افلاسه حكم ايدلمش اولان كراغوص چولاقيان ذمتنده آله جنى اثبات ويا موقتاً قبول وقيد ايتديرمش اولان آله جقلولرك قانوننامه تجارتك ۲۱۱ نجى وآنى ولى ايدن ماده سى موجبجه مفلس طرفندن تكليف اولنه جق قونغورداتونك مذا كره سى ايچون ۳۲۳ سنه سى مارتك يكرمى سكرنجى چهارشنبه كوني محكمه مذكوره نك مصالح افلاسيه رؤيته مخصوص كللى اعلان اولنور .

آطنه ده طول بدستاننده مانيفاطوره تجارتيه مشغول ايكن آطنه تجارت محكمه سندن افلاسه حكم ايدلمش اولان لئون قيو مجيمان ذمتنده آله جنى اثبات ويا موقتاً قبول وقيد ايتديرمش اولان آله جقلولرك قانوننامه تجارتك ۲۱۱ نجى وآنى ولى ايدن ماده سى موجبجه مفلس طرفندن تكليف اولنه جق قونغورداتونك مذا كره سى ايچون ۳۲۳ سنه سى مارتك يكرمى التتجى بازار ايرتسى كوني محكمه مذكوره مصالح افلاسيه رؤيته مخصوص اوطه سنه كللى اعلان اولنور .

مدللو تجارت محكمه سنده :

مدللو تجارت محكمه سندن افلاسه حكم ايدلمش اولان شيشه جى آريستيدى قريستاليدى ذمتنده آله جنى اثبات ويا موقتاً قبول وقيد ايتديرمش اولان آله جقلولرك قانوننامه تجارتك ۲۱۱ نجى وآنى ولى ايدن ماده سى موجبجه مفلس طرفندن تكليف اولنه جق قونغورداتونك مذا كره سى ايچون ۳۲۳ سنه سى مارتك يكرمى برنجى چهارشنبه كوني محكمه مذكوره مصالح افلاسيه رؤيته مخصوص اوطه سنه كللى اعلان اولنور .

قونيه ولايتى مركز بابت محكمه سى تجارت محكمه سنده :

قونيه تجارندن پاصديرمه جى زاده حاجى حسن اغا ايله مخدوملى طاهر ومصطفى افنديلر شركتتكم ۱۷ شباط سنه ۳۲۲ تاريخندن اعتباراً اعلان افلاسلرينه ومصالح

افلاسيه لرينك رؤيت وتسويه سى ضمنده محكمه اعضاسندن رفعتلو وايا نوس افدينك ژوز قوميسر ودعوى وكيللرندن اوخان افدينك سنديك تعينلرينه ومغازه ودكانلريله اشياى زائده بيتيه لرينك ودفاتر واوراق سائرلرينك جلب و اموال منقوله وغير منقوله لرينك حيزينه وكندولرينك كوز حسنه آلمسنه وبوبابده كى قرارك موقتاً اجراسنه قونيه ولايتى مركز بدايت محكمه سى تجارت قسمندن قرار ويرلمش اولديغندن تجارت قانوننامه هايونك يوز يتمشنجى ماده سى موجبجه دائى سنديكلر انتخاب اولنق اوزره (۳۲۳) سنه سى شهر مارتك اون بدنجى جمعه ايرتسى كوني ساعت بش راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطه سنه كللى اعلان اولنور .

قلعه سلطانيه بدايت محكمه سى اجراء دأره سنده :

قلعه سلطانيه قصبه سنده يالى جامع شريفنه با اعلام مديون بولنان حاجه امه اخاتم وارثلى سدا بحرى مصطفى وحسين اغالر محكوم به مبلغى تركه متوفاه مومى اليه ايدن تاديه وتسويه ايلدكلر نندن شى جامع شريف مذكورك آله جنى اولان يكرمى بيك كسور غرو شك تأمين استيفاسيچون مزبوره حاجه امه قاه خانك عهده تصرفنده بولنان جامع كبير محله سنده واقع معلوم الحدود ويكيديكرينه متصل محجوز ايكي باب خانه نك تاريخ اعلاندن اعتباراً اون بشكون صكره موقع مزايديه وضع اولنه جنى قلعه سلطانيه بدايت محكمه سى اجرا دائره سندن اعلان اولنور .

قوص قريه سنك اوچيوز يكرمى ايكي سنه سى اعشار ملتمزى حاجى صدق افندى زاده محمد بكك اعشار مزبور كانون اول بقيه وتقسيتندن مع فائض دينى بولنان اون بيك ايكوز يتمش التى غرو شك تأمين استيفاسيچون ملتمز مومى اليه ك قرده جه ويران واوز بك قريه لرى حدودى داخلنده واقع (حاجى صدق افندى) چفتلكى ديمكه معروف چفتلك ابنيه سنده كى طقسان التى سهم اعتباريله اوتوز درت سهم و يتمش اوچ قطعه معلوم الحدود ترلاده كى اوچ حصه اعتباريله بر حصه شايعه محجوزه سى تاريخ اعلاندن اعتباراً اون بشكون صكره موقع مزايديه وضع اولنه جنى قلعه سلطانيه بدايت محكمه سى اجرا دائره سندن اعلان اولنور .